

道以文學鳴世號鼎峯子壻官止正言有清德
號清齋并享梅岡祠虎溪公之子堃進士以孝
學登剡薦號忍齋享丹邱鳳州公之八世孫之
孝壬辰殉於孝號鷹巖弟之悌承旨有德望錄
壬辰勲 贈吏叅號梧峯享藏待子弘聖官正
言以清直稱號孤松有叅奉之益號養一堂與
子鐔姪欽俱孝行旋門是其表顯者也嗚乎先
生值麗運之季見幾而作不婞終日後雖屢被
徵辭而不起蓋其跡也隱箕子曰我岡爲臣僕
後之尚論者於此可以知公大節之有在也墓

在蛇浦辛向原日公之十七世孫敦植袖公實
紀示不佞責以墓道之文願不佞老且病曷敢
當是役請益堅謹依來狀略加隳括竊附平昔
景仰之忱云系之以銘曰

國旣屋社我罔臣僕潔身而去不忘丘壑義並
採薇志同耘谷清風苦節百世如昨發孝而忠
終始一節跡幾沉晦有證濩目聞者有立過者
必式有苑者陰子孫千億蛇浦之阡有崇三尺
詔我無窮兮山可平石可泐

義禁府都事後人豐山柳道獻謹撰

退齋先生實紀卷之二

附後孫俎豆文蹟

尼山書院上梁文

南夢齋

伊溪

退齋先生六世孫悔堂元祿 顯宗己酉
以士論尸祝營建擬與松隱金光粹
并享未果移奉藏待書院

崇厥德不掩爾善既有秉彝之天祭於斯其在
斯人可無受靈之地有恤數間之廟宇聿新四
方之瞻聆粵自徐羅舊邦有此義城新府二水
分流於前後會于洛江朝于九溟諸山環鎮乎

東西起爲金城結爲五土扶輿靈淑之氣亭育
豪傑之才當麗祖創業之時有洪術洪儒之武
逮 聖祖興平之日稱金淳金末之文言功名
而固難勝枚語真儒則請姑舍是伏惟松隱金
先生情高意逸行安學成用而行舍而藏浮雲
富貴入則孝出則悌餘事文章警心十章箴蓋
有得於三綱領八條目豐城一片劍亦何害於
二鳥賦九辯歌作模楷於當時樹風聲於來世
如今百年之後猶髣髴於龔牆未作九原之前
孰覬覦其門戶嗟呼邈而莫及是以久而不忘

暨惟悔堂申先生孝友出天踐履實地有日用
當行之路惟孝惟忠而早得依歸之師載欣載
悅生三事一克盡方心之喪有知輒行勿失服
膺之訓體先儒精詣之見驗平生篤信之心人
無得以間焉亦有子譽之昆弟吾必謂之學矣
寧無卜商之文辭既作則於惟家可爲法於斯
世惟茲兩賢之出不待半千年期咸萃一縣之
中亦在數十里內夫非上穹之意於赫間氣之
鍾一時之困屯寧論長夜之日星昭揭準四海
而不忒雖舉國可以師宗生一里而必聞在吾

鄉宜益親切想像欣慕之已久影響聲臭之可
尋肆篤崇報之誠乃諏俎豆之典好是懿德驗
人心之攸同樂哉斯丘覺天作之非偶方伯悉
心而綱紀特捐 聖廟之舊材地主殫力於經
營首舉賢祠之新政同聲相應多釋經敦事之
青衿咸勸自來萃承風趨役之白叟徵三代法
宮之制用兩下廈屋之規既工善而材良亦吏
勤而力贍荆榛初闢况爾山川之改觀日月幾
何隆然棟宇之如跂室堂也戶牖也階塾也秩
秩斯干楹皮邪楹翼邪廉阿邪噲噲其正控挹

乎奇峯秀岳如見所立之崑崙襟帶乎細流長
川知是有本之混混攸與刑於白鹿天慳地闕
之名區并餒食於文龜異世同符之至樂猗歟
一鄉之盛事美哉百世之宏規抑昔有聞於先
賢言豈耄也請今廣論於同志聽無譁兮天之
所與我者如何希之則是井而不及衆則爲棄
學而後能或高山景行之可幾在積銖累寸之
不怠在我而已待人乎哉請賡呼邪許之歌敢
唱兒郎儔之頌

拋梁東仁里 旌闕這箇中從此儻知人子職

許君親見悔堂翁

拋梁西雉岳埃峯眼下低雲暗雨昏渾不管屹
然千樹護幽栖

拋梁南上有銅堤下碧潭霜落霧凝元不惡却
嫌狂雨打清嵐

拋梁北夫子宫牆高百尺羣弟長環七十三也
應時來許參席

拋梁上露月光風無盡藏景物依依道在斯斐
然狂簡嗟吾黨

拋梁下柳色青青連縣舍鈴閣時聞宓子琴太

平烟月開多暇

伏願上梁之後地孕其秀神呵不祥惠我光陰
惟新一代之化爲人矜式共欽百行之源人無
異師奮希賢慕聖之心王多吉士獻經國匡世
之猷

藏待書院風詠樓上梁文

洪萬朝

晚退

悔堂與梧峯之悌

退齋九世孫

肅宗

乙丑同享于此金松隱李敬亭民歲并
侑而戊辰有邦禁見撤

一鄉有所矜式既設俎豆之儀多士得以依歸

載新樓觀之制道其不墜仰之彌高願茲多靈
之遺祠寔出象賢之美意有若悔堂梧峯之學
問孝友同出乎名家亦越松隱敬亭之踐履文
章併稱於前代流風猶在宛然桑梓之連陰後
學追思允矣苾芬之齊饗惟其礪俗之道有賴
於斯庶幾肄業之徒爰得其所第緣儒林之力
誦尚闕書樓之踵成登茲遠望既乏觀物之具
入此羣處安得庶士之歡衿紳合謀而同贊般
僊趨事而彈技山腰陡絕半割交翠之閒庭榜
額高懸快靚流丹之飛閣峯巒環列似效拱揖

之形欄檻高明實表正大之體想像百載之下
頓覺水丘之增輝指點一區之中無非杖屨之
留跡所謂地因人而擅勝况有名與義之相符
藏而待之此正吾黨自強之處道所存也奚翅
門人親炙之時登高自卑宜思積累之訓揣本
齊末寧昧輕重之分不但邑人之觀瞻盖欲文
風之振作茲涓吉日將舉脩梁才實慚於野人
縱乏絕響頌竊效於張老可免後譏

拋梁東茫茫原野四望通圖書左右渾無事時
有床頭一陣風

拋梁西坐看殘照下山低倚人莫道黃昏近透
得玄關路不迷

拋梁南藹然和氣滿松杉元龍百尺空中起月
竈天根坐可撲

拋梁北聖人猶有寸陰惜少長幾時須讀書竈
廬歎息亦何益

拋梁上綠水青山看氣像香火四時瞻拜地青
衿濟濟森相向

拋梁下詩書講習無冬夏試看活水源頭來混
漚何曾晝夜舍

伏願上梁之後儒教丕盛士趨益端攝齊而前
函丈之禮如在詠歸其上舞雩之風可迎祀事
孔明長薦春秋之享賢才迭出蔚爲邦國之楨

悔堂先生奉安文

李玄逸

葛庵

至性天全不待勉強事生之節遂終之誠人無
間然可也參孝本既立矣隨事逢源行惇于家
善推於外乍就微祿負米之心竭誠賑飢濟人
之惠贄文往謁慎齋之門屢蒙賞嗟許以德器
研精篤學言行相符飽德來歸佩服終始慙我
後學無處藏修慙斯懃斯庠塾之事勉勗後進

以衛斯文遺澤在人百歲如昨沒世愈久仰德
滋深瞻彼崇阿有儼廟貌日辰之吉予以爰靈
青衿鼎來籩豆有楚千秋無替歆我馨香

常享祝文

李惟樟

孤山

心存孝悌學務踐實表裏相符無憾存歿

梧峯先生奉安文

金啓光

懿德之好無間哲思寔出彝秉神明之享報侑
是圖冒由誠敬至行惇薄高風激儉在古罕併
柯則非遠粉榆接區粵有先正山嶽我鎮星斗
我盱我思則永有儼書屋略備規模依如壇杏

俎豆斯設管泚相孚公議已定追惟往躅諷其
典謨若接欬警顯允梧峯天賦特殊孝家餘慶
壘唱箴和規步端趨惕若三省戒色之年目不
視姝淫邪白送大鳴 王庭初關晉途專城卽
請遭亂忘身周窮恤孤義烈炳炳身府避駟合
浦還珠冰清桂勁時運一變慶樂江湖惟安義
命終慕蓼莪老篤易哺曾閱之行推而友愛一
視髮膚祥覽之性清流暎滯林壑盤紆地勢潔
淨爰有同好鼎來于予日吉辰令聿受神位虔
誠穆愉肅肅門屏神庶佑我燭我昏衢磨我古

鏡民俗歸厚士習變污文明一境

常享祝文

李惟樟

真純碩德孝友至行鄉邦範則多士起敬

梅岡祠靜隱先生奉安文

柳尋春

江臯

靜隱元福悔堂兄也多靈於此與長孫

鼎峯弘道曾孫清齋壻并享而戊辰見

撤二公文蹟逸不傳

退齋賢孫悔堂難兄資稟粹美操履堅貞至性
出天惟行之源厨有具味澣不替人上堂起居
親心克悅誠感靈藥孝追雙竹比古黔婁於今

二連道在躬行學期精研勉勉之工實地真諦
篤于友愛惟兄及弟勗以征邁俾從之師曷不
欽慕大賢攸題教子義方迎人遜悌長川舊院
繫誰經始一命不起風樹之思藏修晚計洞
溪溪迴扇齋靜隱養我情性樂在書史間以嘯
詠高風懋艷想像不謬尸祝之闕士林攸歎矧
爾雲仍敢忘崇報禮緣人情議愜廟貌瞻茲梅
岡杖屨遺馥於焉營度求我世德襲訓趾美鼎
峯清齋一廟三世衆論所歸載涓吉日載奉祠
版遷豆有踐禮儀有衍洋洋如在既名享之自

今伊始無斁于斯

常享祝文

道在躬行學期精研至行懿範裕我後人

丹邱書院上梁文

柳疇 疇 漢堂

虎溪適道悔堂孫也 哲宗丙辰與季

弟懶齋悅道胤子忍齋采并享而戊辰

見毀

鄉社有祭古人重崇報之儀藏修以祠後學寓
尊慕之意奚但推宗于宿德抑將矜式於斯文
恭惟虎溪先生惟孝是源退齋悔堂之賢爲賢

所獎義理文學之才師門有愛敬之推承而
而旅老仕路持辭謝之義對沙西若白軒星夜
勤王仰忠誠於當日冰山割籍凜直氣於千秋
明誠集義之工交修講蠶牛於平素尊攘斥和
之章首抗辨熊魚於蒼黃九臺林泉作神仙於
平地一命祠祿付浮雲於先天綺徵懶齋先生
學勳爲儒才蘊其具通明溫雅生稟異凡之資
經術文章成就一家之業講寒闡旅高足於門
庭證愚麗修上項之道義蜚英初載撻越之
駕是從航朝 南天忠讜之節始著几案不撤

朱墨中朱書屏障與同聖功上聖學疏飾大義
於天下後山城第一議論約行四條於海隅
有鄰凡百觀感遭斥於世行將泰然盡瘁之心
死而後己是皆本之授受曷不盛乎行藏寧若
忍齋先生小學之自家家書卽是免髻時語聖
訓之隨類類揭蓋將刻肺爲銘私淑有說論學
有圖造次必於是厓鶴與聞修木與質託正其
在斯三某之稱嶺數大儒六行之薦館首學門
縱不售於登庸固無傷於爲己竊念吾年之在
境最爲韶州之名區真同白鹿之遺墟精治

宛允合青襟之靜會曠遠幽閒惟茲三老之福
邊寔是一堂之倫序昔當陪侍於函席尚有獎
型於摳衣藹然其仁家庭見孝友之行養之以
德鄉里服忠信之孚斯其實學之內克燦乎英
華之外見噫遺教之不泯孰無傳誦之懷而選
跡之所在舉切想像之感不有明宮俎豆之舉
詎寓永世羹臠之思爰諏一區於舊居實取九
成之美義伊江山點綴之相似物色增輝矧杖
屨遊賞之所於警欵如昨則百年人事之遷就
庶今朝不日之經營瞻聆一方佇見高樓之突

兀苾芬三哲永有明德之馨香寧吾黨隆師之
誠得遂而已願雲孫積世之願何幸如之茲涓
叶吉之辰敢獻升梁之頌兒郎禱

拋梁東鳳峯朝日上晴空平生禮樂周旋地猶
有祥輝一氣通

拋梁西鳳山一抹夕烟低小車想得從容日江
鳥山花盡品題

拋梁南淵泉混混去成潭梧桐天外月輪霽印
作中心淨似藍

拋梁北遺壩百載人應識松篁一壑帶寒風倏

舊蒼蒼歲暮色

拋梁上天鳥斯文未嘗喪直是性無今古殊由來只在人能養

拋梁下洋洋黃卷盈塵架聖人言行此中留讀得方知有爲者

伏願上梁之後儀形不替風韻長存禮備情禮尚洋洋而如在士習餘教當濟濟而克生蔚爲鄉邦之耿光永承君子之遺澤

虎溪先生奉安文

李敦義

月庵

顯允先生忠孝全德靈立岡軒澤麗祠一本本之

才資濟以學力厓老定評義理明白愚翁鑑識
天分高卓院創奸魁禮質函席西戎豕突羸羸
赴急酬以一郵蘇我蕩析及夫再禰元戎滌雪
義旗西指南城萃律和言蘖芽奈彼蠻國疏陳
萬言綱常賴植故園春晚詩出腔血謝事南還
山間草屋娛以書史持以謙牧人稱地仙邦有
遺逸推原反始宜享芬苾惟陳徐氏况有故寔
因循未遑歲幾三百藐茲後生積世營度亦粵
懶翁同氣合德爰及忍爺克紹家學兩世風範
百年如一合餽同堂情禮尤叶念茲丹邱山水

清淑三位倚卓數間丹壻或聯或配從其昭穆
爰舉縟儀辰良日吉樽俎潔清襟紳齊遯陟降
在茲惠我無極

常享祝文

學傳師訣義扶 邦綱餘教在人報祀無疆

懶齋先生奉安文

顯允先生淑氣降鍾趾美令祖考德賢師爰暨
二兄壘篋唱學簡重自晦鶴銘匪諛儒門得人
旅評則哲己自妙歲高名四馳臯鶴聞天歷敷
華貫西戎內逼扈駕沁都時人議和抗章論斥

朝天海路坦如康莊事由近酋責我潛買呈書
禮部光國之休柔兆卜城死以爲誓隨身以帶
處家以書舍忍南歸遂我初服斷斷忠赤北闕
于懸屏陳十圖疏論交泰啓沃翼翼百世可師
久擬妥靈因循未舉何幸近歲公議僉同緬惟
溪翁道同德合亦粵忍翁克紹庭學衿紳合謀
敦議齊享從以昭穆或聯或配一家三贊并徽
齊美茲涓吉日爰舉縟儀神理宜安人情胥悅
將事之始敢伸厥彝伏惟尊靈歆我牲禮於千
百歲勿替引之

常享祝文

春秋至義淵源正學壘篋一堂永享千筵

忍齋先生奉安文

顯允先生天資端確庭傳詩禮工飫圖書學曰
吾家孝著冲歲克養有節本立道生私淑鶴產
搢衣旅老沉潛闡洛羽翼韓歐文章早成窳達
一體明時遯跡江湖好緣璧水題名館稱三某
行全孝友學造高明晚暮藏修爰契知止關中
梅竹靜裏衣冠潛修隱求翊及百氏牧伯欽敬
木老忘年憊然出塵孳尹菊達惜未見用命與

時遠潛德幽光至今祿後曠慕采篤曷以報塵
厥有令規餘干董澤儒林合議爰祐丹邱載度
載營粗成齋閣杖屨曾憇俎豆允宜筮吉蠲躬
揭爰神位既右溪老亦右懶翁寸以配之于二
公廟同堂合食赫世彌光陟降在庭象設有儼
一氣盼靈幽明理同神庶樂康願我歆我其永
無敷惠我光明

常享祝文

學程十圖道著六行躋配二考一體祇敬

談歸書堂通文

丹邱書院營建則

伏以虎溪晚悟懶齋三先生聯床博約之工同
棣忠義之蹟實吾林之卓然先覺也况惟忍齋
先生學問淵源克紹家庭之傳孝友實德式濟
先世之美又其文學行藏之顯卓允合昭穆之
并享此誠宋朝三徐四陳之例豈非盛德之事
也伏願僉尊會議藏院通告道內預成完重事
義幸甚

藏待書院通文

丹院揭虔時

伏以鄙鄉先輩虎溪懶齋申先生及虎溪胤子
忍齋先生德學風猷蓋吾南之所共景慕也諸

賢俱以瑞世英雋之材乘國家賦明之運早親
有道學業征邁聯登科第聲輝闡發令聞既敷
晉途方闢殆見仕學互優位德俱隆而卒當柔
兆天地冠履之變忠義並苑於同氣名節萃在
於一家至若伯府先生倡旅陳疏抗斥翰平之
恥誓衆灑泣奮發敵愾之氣况其學問精澹尤
見於性理論辨之說庸學分類之圖鬼乎壯矣
季有先生聘命上國克揚專對之策闡在孤城
首發和議之非蓋其壘篋淵源之正出自寒旅
之門而道義交遊之重同時處義於桐籬之倫

若是卓矣豈惟忍齋先生以家庭詩禮克濟世
美一時聲聞嶠南有三某之稱學中為六行之
備而若其十圖解義有 聖明之稱賞一部策
式見義理之明的亦豈非稱家之賢乎嗚乎忠
節兼全於一門事行俱著於兩世風聲之樹盛
德之報猶將百世可祀也陋鄉末學無以奉承
前烈遺芳剝壤之地尚未有一席香火之薦因
知未免於鄰鄉大方之所慕也惟是德家遺範
尚有誠孝勤懇之風若爾雲喬備成堂齋謹
宋朝徐陳故事為原列庶配之禮生等竊念當

日獻祝儀式不可直任本家茲以會議通告伏
願僉君子遠賜賁臨克惇儀節之地幸甚

退齋先生實紀卷之二終

退齋先生值麗祚告訖有北風攜手之行遂泯
其跡焉無得而知者竊惟先生大節俱在國乘
與勝覽事父母盡孝養廬墓而致雙竹之感按
庶而極一時之選異伏鄭先生表其墓鶴沙金
先生撰奉安文蔡文肅公銘其壙表章之揀揚
之大書特書不一書奚容不佞贅焉第實紀之
在筭行者尙未能廣其傳後孫敦植與諸宗合
議出力方事剏氏甚盛事也其係先生事行
并哀粹而成完表以其世派圖及后孫俎豆文
蹟備在左方有若靜隱悔堂梧峯虎溪晚悟懶

齋忍齋諸先生孝友學問忠義德行煥然日星
於世嗚乎偉矣退齋公光啓於前悔堂諸公繩
武於後父作之子述之齊芳並美是役也即乎
神理人情之安不俟忝居外裔之列尤不任區
區之忱茲敢盥手敬書

後人豐山柳道獻謹跋